

fibras fluorescentes.
estampacións fluorescentes.

Ademais, poderanse engadir outras medidas de seguridade.

2. O permiso de circulación terá os seguintes datos:

A mención «REINO DE ESPAÑA».

A letra E como signo distintivo do Estado español.

A mención Ministerio do Interior. Dirección Xeral de Tráfico.

A mención «PERMISO DE CIRCULACIÓN» impresa en caracteres grandes. Tamén figurará en caracteres pequenos, despois dun espazo adecuado, nas demais linguas da Comunidade Europea.

A mención «COMUNIDADE EUROPEA».

O número de serie do documento.

A–Número de matrícula.

B–Data de primeira matriculación.

C.1.1 Apelidos ou razón social.

C.1.2 Nome.

C.1.3 Domicilio.

C.4 c) Non está identificado no permiso de circulación como propietario do vehículo.

D.1 Marca.

D.2 Tipo/Variante/Versión (se procede).

D.3 Denominación comercial.

(D.4) Servizo a que se destina.

E –Número de identificación.

F.1 Masa máxima en carga tecnicamente admisible (en kg) (excepto para motocicletas).

F.2 Masa máxima en carga admisible do vehículo en circulación en España (en kg).

G–Masa do vehículo en servizo con carrozaría, e con dispositivo de ensamblaxe se se trata dun vehículo tractor de categoría distinta á M1 (en kg).

H–Período de validez da matriculación, se non é ilimitado.

I–Data de matriculación a que se refire o presente permiso.

(I.1) Data de expedición.

(I.2) Lugar de expedición.

K –Número de homologación (se procede).

P.1 Cilindrada (en cm³).

P.2 Potencia neta máxima (en kW) (se procede).

P.3 Tipo de combustible ou de fonte de enerxía.

Q–Relación potencia/peso (en kW/kg) (unicamente para motocicletas).

S.1 Número de prazas de asento, incluído o asento do condutor.

S.2 Número de prazas de pé (se é o caso).»

Disposición transitoria única. *Vehículos matriculados con anterioridade á entrada en vigor da presente orde e expedición do novo permiso de circulación.*

1. Os permisos e as licenzas de circulación expedidos aos vehículos matriculados con anterioridade á entrada en vigor da presente orde seguirán sendo válidos tanto para a súa circulación como para a realización de calquera outro trámite referente aos devanditos vehículos.

Se estes trámites fixesen necesaria a expedición dun novo permiso ou licenza de circulación para o vehículo, expedirase un novo permiso de circulación que se axustará en canto ao seu modelo e contido ao previsto nesta orde. O novo permiso de circulación que se expida poderá ter cubertos só os datos que figuraban no anterior permiso ou licenza de circulación.

2. Os permisos de circulación que se expidan a partir da entrada en vigor da presente orde axustaranse en canto ao seu modelo e contido ao disposto naquela, aínda que se trate de solicitudes de permisos e licenzas de circulación presentadas con anterioridade á citada data.

Disposición derogatoria única. *Derrogación normativa.*

Quedan derogadas cantas disposicións de igual ou inferior rango se opoñan ao establecido na presente orde.

Disposición derradeira única. *Entrada en vigor.*

A presente orde entrará en vigor aos seis meses da súa publicación no «Boletín Oficial del Estado».

Madrid, 16 de maio de 2005.

FERNÁNDEZ DE LA VEGA SANZ

Sres. Ministros do Interior e de Industria, Turismo e Comercio.

8083

ORDE PRE/1377/2005, do 16 de maio, pola que se establecen medidas de vixilancia e control de determinadas salmoneloses en explotacións de galiñas poñedoras, para efectos do establecemento dun programa nacional. («BOE» 118, do 18-5-2005.)

O artigo 2 do Real decreto 2611/1996, do 20 de decembro, polo que se regulan os programas nacionais de erradicación de enfermidades dos animais, dispón que se someterán a programas nacionais de erradicación das enfermidades dos animais a brucelose bovina, a tuberculose bovina, a leucose enzoótica bovina, a peripneumonía contagiosa bovina e a brucelose ovina e caprina por *Brucella melitensis*. No seu punto 2 prevé, así mesmo, que se poderán establecer programas nacionais de erradicación para calquera outra enfermidade infecciosa ou parasitaria que determine o Comité Nacional de Cooperación e Seguimento dos programas nacionais de Erradicación das Enfermidades dos Animais, substituído polo Comité Nacional do Sistema de Alerta Sanitaria Veterinaria, regulado polo Real decreto 1440/2001, do 21 de decembro, polo que se crea o sistema de alerta sanitaria veterinaria.

Dentro deste marco, a Unión Europea elaborou unha normativa específica en materia de control de salmonela e outros axentes zoonóticos transmitidos polos alimentos, constituída polo Regulamento (CE) n.º 2160/2003 do Parlamento Europeo e do Consello, do 17 de novembro, sobre o control da salmonela e outros axentes zoonóticos específicos transmitidos polos alimentos, e a Directiva 2003/99/CE do Parlamento Europeo e do Consello, do 17 de novembro, sobre a vixilancia das zoonoses e os axentes zoonóticos e pola que se modifica a Decisión 90/424/CEE do Consello, relativa a determinados gastos no sector veterinario e se derroga a Directiva 92/117/CEE do Consello, relativa ás medidas de protección contra determinadas zoonoses e determinados axentes produtores de zoonoses en animais e produtos de orixe animal, co fin de evitar o abrocho de infeccións e intoxicacións procedentes dos alimentos.

O artigo 5 do citado Regulamento (CE) n.º 2160/2003, dispón que os Estados membros establecerán programas nacionais de control para cada unha das zoonoses e dos axentes zoonóticos enumerados no anexo I para alcanzar os obxectivos comunitarios de redución da prevalencia das zoonoses e dos axentes zoonóticos indicados no seu artigo 4. De conformidade co punto 5 do citado artigo 4, para as galiñas poñedoras, os obxectivos comunitarios abarcarán *Salmonella enteritidis* e *Salmonella typhimurium*, sen prexuízo de que, se fose necesario, estes obxectivos se poidan ampliar a outros serotipos sobre a base dos resultados dunha análise realizada de conformidade co disposto no seu punto 4.

Dentro deste marco, e con carácter previo á fixación dos obxectivos de redución de prevalencias, é preciso dispor, con urxencia, dunha serie de medidas de vixilancia que permitan coñecer a situación real fronte aos dous tipos citados de salmonela, no noso país, ao tempo que se avance no control delas, coa finalidade última de estar en disposición previa de cumprir coas obrigas que a Comisión Europea lle imporá ao noso país, de acordo cos preceptos correspondentes do mencionado regulamento comunitario.

Por outro lado, as salmoneloses e os seus axentes causais figuran entre as zoonoses obxecto de vixilancia no marco do Real decreto 1940/2004, sobre a vixilancia das zoonoses e axentes zoonóticos, en cuxo artigo 4.2 se establece que a vixilancia das zoonoses transmitidas polos alimentos se levará a cabo na fase ou fases da cadea alimentaria máis apropiada segundo o axente zoonótico transmitido.

Por todo iso, e ante a necesidade de dispor con urxencia do marco normativo preciso para a aplicación específica en España de determinados aspectos da mencionada normativa, determinouse establecer un programa nacional específico de vixilancia e control das salmoneloses de importancia para a saúde pública, en explotacións de aves poñedoras cuxos ovos se destinen ao consumo humano.

Na elaboración desta disposición foron consultadas as comunidades autónomas e as entidades representativas dos sectores implicados, e emitiu informe a Comisión Interministerial de Ordenación Alimentaria.

Esta orde dítase ao abeiro da habilitación contida na disposición derradeira primeira do Real decreto 2611/1996, pola que se faculta o ministro de Agricultura, Pesca e Alimentación para ditar as disposicións necesarias para o cumprimento do disposto no dito real decreto, e de acordo coa competencia do Ministerio de Sanidade e Consumo en casos de zoonoses transmitidas por alimentos.

Na súa virtude, por proposta das ministras de Agricultura, Pesca e Alimentación e de Sanidade e Consumo, dispoño:

Artigo 1. *Obxecto e ámbito de aplicación.*

1. Esta orde ten por obxecto establecer medidas de vixilancia e control de salmoneloses en explotacións de aves poñedoras cuxos ovos se destinen a comercialización para consumo humano, de aplicación en todo o territorio nacional, para efectos do establecemento do Programa nacional de vixilancia e control de salmoneloses de importancia para a saúde pública, unha vez que se fixen os obxectivos comunitarios a que se refire o artigo 5 do Regulamento (CE) n.º 2160/2003 do Parlamento Europeo e do Consello, do 17 de novembro, sobre o control da salmonela e outros axentes zoonóticos específicos transmitidos polos alimentos.

2. Esta orde non se aplicará á produción primaria, coa excepción das medidas recollidas no artigo 13 en caso de risco grave ou confirmación da presenza de salmonela de importancia para a saúde pública, nos supostos contidos no punto 3 do artigo 1 do Regulamento (CE) n.º 2160/2003 do Parlamento Europeo e do Consello, do 17 de novembro, sobre o control da salmonela e outros axentes zoonóticos específicos transmitidos polos alimentos.

Malia o anterior, as autoridades competentes das comunidades autónomas levarán a cabo as actuacións correspondentes de control e vixilancia de salmoneloses de importancia para a saúde pública, sobre as pequenas cantidades de produtos primarios, especialmente os ovos, subministrados ou cedidos directamente, por parte do produtor, ao consumidor final ou a establecementos

locais de venda polo miúdo que abastecen directamente de produtos primarios o consumidor final.

Artigo 2. *Definicións.*

1. Para os efectos do previsto nesta orde, serán de aplicación as definicións contidas no artigo 3 da Lei 8/2003, do 24 de abril, de sanidade animal, no artigo 2 do Real decreto 328/2003, do 14 de marzo, polo que se establece e regula o Plan Sanitario Avícola, e no artigo 2 do 1940/2004, do 27 de setembro, sobre a vixilancia das zoonoses e os axentes zoonóticos, e no artigo 2 do Real decreto 479/2004 polo que se establece e regula o Rexistro Xeral de Explotacións Gandeiras.

2. Así mesmo, e para os efectos desta orde, enténdese como:

a) Manda de aves poñedoras: todas as aves criadas para a produción de ovos destinados ao consumo humano, da mesma idade, que teñan o mesmo estado sanitario, que se encontren nas mesmas instalacións ou no mesmo recinto e que constitúan unha única unidade epidemiolóxica; en caso de aves mantidas dentro dun recinto pechado, incluírá todas as aves que compartan a mesma cubicación de aire.

b) *Salmonella* spp: todas as especies de salmonelas que poidan afectar as aves poñedoras cuxos ovos se destinen a comercialización para consumo humano.

c) Salmoneloses de importancia para a saúde pública: as producidas por *Salmonella enteritidis* ou *Salmonella typhimurium*, sen prexuízo de que se poida ampliar a outros serotipos sobre a base dos resultados obtidos nos estudos de vixilancia epidemiolóxica da Unión Europea.

d) Responsable dos animais: calquera persoa física, designada polo titular da explotación, que sexa o encargado, con remuneración ou sen ela, do coidado directo dos animais, incluso con carácter temporal.

Artigo 3. *Autorización de explotacións avícolas de aves poñedoras.*

1. Para os efectos da autorización sanitaria previa das explotacións, prevista no artigo 3 do Real decreto 328/2003, do 14 de marzo, os titulares das explotacións incluírán na súa solicitude de autorización todas as granxas en que se asenten distintas mandas de aves.

2. Así mesmo, dentro da proposta de programa sanitario previsto na letra b) do punto 2 do artigo 3 do dito Real decreto 328/2003, do 14 de marzo, exixido para a citada autorización, incluírase un programa sanitario de autocontrol específico para a prevención e control de salmoneloses de importancia para a saúde pública, individualizado para cada explotación, establecido e supervisado polo veterinario responsable da explotación. Así mesmo, achegarase un código de boas prácticas de hixiene con indicación das medidas de bioseguridade que cómpre adoptar.

Artigo 4. *Garantías sanitarias e de bioseguridade.*

1. O titular de explotación deberá tomar as medidas de cría protexida para controlar a entrada ou contaminación por *Salmonella* spp na explotación e, en particular, que:

a) O deseño e mantemento das instalacións da explotación sexa adecuado para previr a entrada de *Salmonella* spp.

b) Se leven a cabo as medidas adecuadas de control de roedores, insectos, aves salvaxes e outros animais domésticos ou salvaxes que poidan introducir a enfermidade.

c) Os pitos femia dun día proceden de explotacións e nacedoras que superaron satisfactoriamente os controis establecidos para evitar a transmisión vertical de *S. enteritidis* e *S. typhimurium*, e os ditos pitos femia están certificados polo seu provedor como exentos de *S. enteritidis* e *S. typhimurium*.

No caso de pitos femia de recría, están acompañados dun certificado do provedor de que superaron satisfactoriamente, dúas semanas antes de entrar na fase ou unidade de posta, os controis correspondentes fronte a *S. enteritidis* e *S. typhimurium*. De ser o caso, certificado tamén de que os devanditos pitos femia foron vacinados de acordo co artigo 8.

d) Lévanse a cabo as medidas adecuadas de lavado, limpeza e desinfección das naves de cría, de produción, de estruturas anexas, así como do material e utensilios empregados nas actividades produtivas.

e) Adóptanse as medidas adecuadas para previr a transmisión de *Salmonella* spp a través da auga de bebida.

f) Adóptanse as medidas pertinentes para previr a presenza de *Salmonella* spp en materias primas e pensos empregados en alimentación animal. Especificamente, deberase garantir a ausencia de salmonelas nos pensos utilizados.

g) Realízanse cursos de formación adecuados para os operarios e lévanse a cabo os pertinentes controis sanitarios para a detección de posible contaminación por salmonelas de importancia para a saúde pública nos operarios da explotación nos casos en que se detectase a presenza da enfermidade nos animais.

h) Lévanse a cabo, de ser o caso, os programas de vacinación adecuados.

i) Realízanse, de ser o caso, e por conta do titular da explotación, as tomas de mostras e análíticas adecuadas para a detección de *Salmonella* spp.

j) Adóptanse as medidas adecuadas para asegurar a trazabilidade dos ovos producidos.

k) Adóptanse as medidas adecuadas en caso de aparición de casos positivos de salmonelose de importancia para a saúde pública.

l) Adóptanse as medidas oportunas para garantir a correcta xestión dos subprodutos de orixe animal non destinados ao consumo humano.

Artigo 5. *Información sanitaria e documentación.*

O titular de explotación deberá posuír toda a documentación sanitaria obrigatoria e rexistrar todos os datos necesarios para que a autoridade competente poida levar a cabo un control permanente do cumprimento do programa sanitario a que se refire o punto 2 do artigo 3, así como do código de boas prácticas de hixiene, e en particular os seguintes:

a) Libro de rexistro de entradas e saídas de persoas e vehículos, posto ao día.

b) Rexistro de tratamentos con medicamentos, cos datos previstos no artigo 8 do Real decreto 1749/1998, do 31 de xullo, polo que se establecen as medidas de control aplicables a determinadas substancias e os seus residuos nos animais vivos e nos seus produtos, incluídas as vacinacións na forma a que se refire o punto 5 do artigo 8 desta orde. Da mesma forma, conservaranse copias das receitas correspondentes.

c) A totalidade dos resultados das análises e controis efectuados sobre unha manda, incluídos os da incubadora referidos á dita manda, os cales deben ser conservados polo propietario dos animais durante, polo menos, tres anos.

d) Deberanse anotar no libro de explotación as entradas e saídas das mandas de aves. A folla de mandas

que debe acompañar a documentación sanitaria débese conservar tres anos.

O titular da explotación poderá ser asistido polo veterinario responsable da explotación, na conservación dos documentos sanitarios.

Artigo 6. *Funcionamento.*

1. Unha vez concedida a autorización sanitaria, a explotación deberá manter as condicións de funcionamento, así como os requisitos de instalación baixo os cales se concedeu a autorización, incluído o seguimento do código de boas prácticas de hixiene para a prevención e control de *Salmonella* spp.

2. O incumprimento das condicións referidas no punto anterior dará lugar á extinción da autorización por parte da autoridade competente que a concedeu.

Artigo 7. *Notificación e comunicación de salmonelose.*

1. Toda persoa, física ou xurídica, e en especial os veterinarios, deberalles notificar ás autoridades competentes os casos, confirmados ou sospeitosos, relativos ás salmoneloses de importancia para a saúde pública, de que teñan coñecemento.

Así mesmo, toda sospeita de salmonelose de importancia para a saúde pública debe ser declarada, de forma inmediata, pola persoa que estea ao cargo ou á custodia da manda, ao veterinario habilitado ou autorizado, que o porá en coñecemento das autoridades competentes, coa maior brevidade posible.

2. As autoridades competentes comunicaranlles semestralmente aos ministerios de Agricultura, Pesca e Alimentación e de Sanidade e Consumo, no ámbito das súas respectivas competencias, os casos rexistrados relativos aos casos de *Salmonella* spp e a súa tipificación e, antes do 1 de marzo de cada ano, remitirán un resumo e avaliación dos casos rexistrados durante o ano anterior, para os efectos previstos no artigo 10 do Real decreto 1940/2004, do 27 de setembro, sobre a vixilancia das zoonoses e os axentes zoonóticos.

Artigo 8. *Vacinación.*

1. Será obrigatoria a vacinación preventiva das futuras poñedoras fronte ás salmoneloses de importancia para a saúde pública, de todas aquelas explotacións de aves poñedoras que non teñan completamente implantado un plan de vixilancia e autocontrol de salmonelose, ou que, téndoo completamente implantado, este non demostrase a súa eficacia con análises negativas a *S. enteritidis* e *S. typhimurium* durante, polo menos, seis meses. A dita vacinación será por conta do titular da explotación.

2. Para a vacinación das mandas unicamente se poderán utilizar vacinas que dispoñan da previa autorización de comercialización da Axencia Española de Medicamentos e Produtos Sanitarios ou da Axencia Europea do Medicamento, de ser o caso.

3. Cando non exista un medicamento autorizado para a prevención das especies de salmonela obxecto desta orde, poderase recorrer ás excepcións ao réxime de autorización establecidas no artigo 30 do Real decreto 109/1995, e, de ser o caso, á prescrición excepcional nos termos establecidos no artigo 81 do citado real decreto.

4. A utilización de vacinas tanto vivas coma inactivadas non deberá interferir cos métodos de diagnóstico.

5. Realizada a vacinación, anotarase no libro de rexistro de tratamentos medicamentosos, polo menos, os seguintes datos: data de vacinación, identificación da/s vacina/s administrada/s, natureza da/s vacina/s

administrada/s, cantidade, nome e enderezo do provedor do medicamento, e identificación do lote de animais tratados.

Artigo 9. *Programas sanitarios obrigatorios.*

1. En todas as explotacións de aves reprodutoras que subministren pitos femia de 1 día deberase realizar o programa sanitario obrigatorio encamiñado ao control específico das salmoneloses, previsto no punto 2 do artigo 14 do Real decreto 328/2003, así como pór á disposición do comprador a documentación acreditativa do cumprimento do devandito programa.

2. O titular das explotacións de mandas de aves poñedoras deberá facer que se efectúen, pola súa conta e baixo supervisión do veterinario responsable da explotación, tomas de mostras para a detección de salmonela, de acordo co establecido no artigo 12, que deberán ser analizadas nun laboratorio autorizado para o efecto pola autoridade competente. O control axustarase ao disposto no anexo I.

Artigo 10. *Código de boas prácticas de hixiene para a vixilancia e control de salmonelose de importancia para a saúde pública, en aves de posta.*

Os titulares de explotacións de aves poñedoras cuxos ovos se destinen ao consumo humano deberán ter implantado un código de boas prácticas de hixiene co fin de cumprir os obxectivos do programa nacional de vixilancia e control de *Salmonella* spp e para garantir o mantemento da información sanitaria especificada no artigo 5.

Artigo 11. *Actuacións do veterinario oficial.*

1. O veterinario oficial efectuará, polo menos, un control anual das boas prácticas de hixiene para verificar o cumprimento das garantías sanitarias e de bioseguridade enumeradas nos artigos 4 e 5.

A valoración nos controis das medidas de bioseguridade adoptadas realizarase, polo menos, mediante as que figuran no protocolo establecido no anexo II.

2. Sen prexuízo dos controis efectuados baixo responsabilidade do titular da explotación no marco da aplicación dos programas de vixilancia e control da salmonelose, o veterinario oficial tomará, coa frecuencia que anualmente se determine e sempre que exista a sospeita de presenza de *Salmonella* spp, mostras da explotación para a súa remisión aos laboratorios autorizados e, en especial de:

- Pitos femia dun día.
- Feces/estrume de pitos femia de recría: 2 semanas antes do traslado á unidade de posta.
- Feces/estrume de femias adultas: 2 semanas antes do sacrificio.
- Penso e auga de bebida.

A toma de mostra anual oficial non será obrigatoria cando o veterinario oficial comprobe, nos controis e inspeccións que poida realizar a autoridade competente, na explotación, ou no marco do control anual previsto no punto 1 deste artigo, que as medidas de bioseguridade e os autocontrois son suficientes para garantir a seguridade dos produtos obtidos.

3. O procedemento de toma de mostras realizarase de acordo cos parámetros establecidos no artigo seguinte.

Artigo 12. *Procedemento de toma de mostras e análise de laboratorios.*

1. A toma de mostras para os autocontrois en todas as mandas da explotación efectuarase baixo responsabilidade do titular da explotación e supervisión do veterinario responsable da explotación.

A toma de mostras oficial efectuarase o veterinario oficial, habilitado ou autorizado, na forma e condicións previstas na normativa vixente.

2. Os criterios que cómpre empregar para a toma de mostras serán os que, de ser o caso, estableza a normativa comunitaria correspondente. En ausencia de normas comunitarias, seguirase o seguinte procedemento en mandas de cría:

a) Pitos femia dun día:

1.º Unha mostra obtida a partir de 10 mostras tomadas dos revestimentos internos das caixas que transportan os pitos femia no momento de seren entregados á explotación. Pódense empregar como mostra directamente os fondos de caixa que serán enviados enteiros ou partidos aos laboratorios encargados de procesar as mostras e poderán constituír unha soa mostra ou varias.

2.º Fígado, cego e vitelo de 60 pitos femia (pódense tomar porcións das vísceras mencionadas e procesar como unha soa mostra).

3.º Ou unha mostra constituída polo meconio de, polo menos, 250 pitos femia.

b) Pitos femia dúas semanas antes do traslado á unidade de posta:

1.º Unha mostra composta de feces frescas, obtida mediante a mestura de porcións de feces dun peso mínimo dun gramo cada unha, recollidas aleatoriamente nun mínimo de 10 puntos diferentes do local de acordo co seguinte cadro:

N.º aves mantidas nun local	N.º porcións de feces que se deben tomar no local/grupo de locais da explotación
1-24	(n.º igual ao n.º de aves, ata máximo de 20)
25-29	20
30-39	25
40-49	30
50-59	35
60-89	40
90-199	50
200-499	55
500 ou máis	60

2.º Ou utilizar un rebezo humedecido para toma de mostras, colocado ao final da cinta transportadora de feces, de tal forma que coa cinta en marcha se tomen as mostras en, polo menos, 5 metros de cinta. Tomaranse mostras de, polo menos, 10 puntos diferentes do local, e todas elas poderán constituír unha soa mostra.

3. Os criterios que se van empregar para a toma de mostras serán os seguintes en mandas de aves de curral produtoras adultas:

a) Unha mostra composta de feces frescas, obtida mediante a mestura de porcións de feces dun peso mínimo dun gramo cada unha, recollidas aleatoriamente nun mínimo de 10 puntos diferentes do local de acordo co cadro anterior.

b) Ou unha mostra de feces frescas recollida mediante o uso, por parte da persoa encargada de tomar as mostras, de calzas de material absorbente, que serán usadas para a recollida de mostras en, polo menos, 10 puntos diferentes dun só local. As calzas serán enviadas

enteiras aos laboratorios encargados de procesar a mostra.

Cando os animais teñan libre acceso a máis dun local dunha explotación determinada, deberanse tomar as mostras en cada un dos locais da explotación en que se manteñan mandas diferentes.

4. As mostras serán acondicionadas de maneira que se garanta a identidade e seguridade das mostras co seu contido ata a súa chegada ao laboratorio, empregándose envases estériles e de peche hermético que serán remitidos ao laboratorio nun prazo de 24 horas. En caso de que este prazo se prolongue, as mostras manteranse en refrixeración e o envío tamén será refrixerado.

5. O titular da explotación gardará os resultados das análises durante un período mínimo de tres anos e estarán á disposición da autoridade competente.

Artigo 13. Actuacións que cómpre realizar e notificación dos resultados.

1. Actuacións en controis oficiais.

a) Cando os controis realizados de acordo co establecido no artigo 11 revelen un incumprimento do programa sanitario ou do código de boas prácticas, o veterinario oficial comunicarllo ao titular da explotación, para que proceda de inmediato a emendalo e evite que se volva producir.

O veterinario oficial debe adoptar un enfoque proporcionado e progresivo na súa actuación, destinada a facer cumprir as normas, establecendo prazos, que se farán constar no protocolo de supervisión das medidas de bioseguridade en avicultura de posta, para a súa adecuación.

A autoridade competente, de ser o caso, poderá facer uso das medidas establecidas no capítulo IV, do título V, da Lei 8/2003, do 24 de abril, de sanidade animal.

b) En caso de que existise un risco grave, de acordo co disposto no capítulo III do título II da Lei 8/2003, a autoridade competente en materia de sanidade animal adoptará as medidas cautelares que procedan, que poderán ser, entre outras, as seguintes:

1.º Que non se produza ningún movemento das aves vivas a partir dese local, salvo autorización previa de saída con destino ao seu sacrificio, que será expedida pola autoridade competente.

O sacrificio de animais deberase realizar en matadoiros autorizados para tal fin, ou en lugares expresamente autorizados para iso. As autoridades competentes das comunidades autónomas determinarán os lugares onde se poderá proceder ao sacrificio dos animais, así como o procedemento que cómpre utilizar en cada caso. Os matadoiros interesados no sacrificio destes animais deberanllo solicitar á autoridade competente da comunidade autónoma en que estean situados. As autoridades competentes enviaranlles á Dirección Xeral de Gandaría do Ministerio de Agricultura, Pesca e Alimentación e á Axencia Española de Seguridade Alimentaria do Ministerio de Sanidade e Consumo a relación dos matadoiros autorizados para tal fin, así como as súas modificacións. A devandita relación, así como as súas actualizacións seralles comunicada, para o seu coñecemento xeral, a todas as comunidades autónomas.

Cando non se destinen ao consumo humano, deberanse utilizar ou rexeitar baixo control oficial, conforme o disposto no Regulamento (CE) n.º 1774/2002, do Parlamento Europeo e do Consello, do 3 de outubro, polo que se establecen as normas sanitarias aplicables aos subprodutos animais non destinados a consumo humano.

2.º Notificación ás autoridades competentes en materia de saúde pública, responsables do centro de clasificación ao cal se remitan os ovos producidos na explotación, das medidas cautelares adoptadas e as súas causas.

3.º Prohibición da cesión ou subministración directa, por parte do produtor, de pequenas cantidades de produtos primarios ao consumidor final ou a establecementos locais de venda polo miúdo que abastecen directamente de produtos primarios o consumidor final.

c) A duración das medidas a que se refire o punto b) 1.º, deste número, que se fixarán para cada caso sen prexuízo das prórrogas sucesivas acordadas por informes motivados da autoridade competente da comunidade autónoma en que radique a actividade, non excederá do que exixa a situación de risco inminente e grave que a xustificou.

d) O Ministerio de Agricultura, Pesca e Alimentación deberá ser informado pola autoridade competente que adoptou as medidas cautelares e trasladarállela ás autoridades correspondentes.

e) Das actuacións oficiais quedará constancia mediante o levantamento dunha acta, polo menos por triplicado, ante o titular da explotación ou ante o seu representante legal ou o responsable dos animais. Na acta faranse constar as deficiencias observadas e o prazo outorgado para a súa corrección.

Na acta transcribíranse integramente cantos datos e circunstancias sexan necesarios para a identificación das mostras e da explotación, resultado da auditoría, medidas correctoras recomendadas e prazo de tempo asignado para a corrección destas.

2. Actuacións en caso de controis positivos.

a) Cando, como resultado dun exame laboratorial, se confirme a presenza de *Salmonella* spp nun dos locais, procederase á súa tipificación e, de ser o caso, á confirmación oficial. En espera da tipificación, deberanse tomar as medidas hixiénico-sanitarias adecuadas para previr a reinfeción por *Salmonella* spp ou a súa excreción.

b) Cando, tras resultado do exame realizado, se confirme a presenza de salmonela de importancia para a saúde pública nun dos locais, ademais das medidas preventivas da alínea a) anterior, adoptaranse, polo menos, as establecidas na alínea b) do punto 1 deste artigo, de acordo co previsto no artigo 18 da Lei 8/2003. Así mesmo, os ovos deberán ser destruídos baixo control oficial, debendo ser tratados de conformidade co Regulamento (CE) n.º 1774/2002, ou, despois dunha marcación apropiada destes ou dunha identificación apropiada das súas caixas ou contedores, poderán ser trasladados a un establecemento autorizado para a elaboración de ovoprodutos co fin de seren sometidos a un tratamento térmico que garanta a destrución das salmonelas.

c) Todas as medidas adoptadas se estenderán a todo o ciclo produtivo mentres non se estableza á satisfacción da autoridade veterinaria competente que a infección debida a salmonelas de importancia para a saúde pública desapareceu ou que as medidas preventivas adoptadas garanten a ausencia dos ditos microorganismos nos ovos.

d) De se optar polo sacrificio en matadoiro, todos os pitos femia ou produtoras adultas do local se deberán sacrificar, de acordo co disposto nos puntos 30 e 31 do capítulo VI do anexo I do Real decreto 2087/1994, e deberase informar da dita decisión de proceder ao sacrificio o veterinario oficial do matadoiro, de maneira que adopte as medidas oportunas que reduzan ao máximo o risco de propagación da salmonela.

Só se poderá destinar ao consumo humano a carne procedente de aves de mandas infectadas tras recibir

un tratamento térmico industrial ou algún outro tratamento para a eliminación da salmonela que sexa conforme coa lexislación comunitaria sobre hixiene dos alimentos.

e) Tras o baleirado dos locais ocupados por mandas infectadas por salmonela de importancia para a saúde pública, deberase proceder a unha limpeza e desinfección eficaces, que incluírán a eliminación hixiénica dos excrementos ou do estrume e os animais mortos, e o seu uso ou destrución, conforme o disposto no Regulamento (CE) n.º 1774/2002, debéndose asegurar a eliminación de *Salmonella* spp.

As autoridades competentes auditarán a idoneidade das medidas de limpeza, desinfección e baleiro sanitario aplicados, e autorizarán, de ser o caso, o enchido das instalacións con novos animais.

f) De se estimar necesario, poderase solicitar o resultado da análise laboratorial correspondente do/s traballador/es ao coidado dos animais para determinar a presenza de posibles portadores de *Salmonella* spp.

3. Non se poderán realizar extensións de posta mediante muda forzada naquelas mandas en que se detectase a presenza de salmonelas de importancia para a saúde pública.

Artigo 14. *Autorización de laboratorios, requisitos de calidade e métodos analíticos aprobados.*

1. Unicamente terán consideración de laboratorios autorizados para participar nos controis oficiais do programa de vixilancia e control da salmonelose, co fin de proceder á análise das mostras, dentro do ámbito de cada comunidade autónoma, aqueles que sexan designados ou recoñecidos para o efecto pola autoridade competente.

2. Os laboratorios autorizados para os controis oficiais deberán participar regularmente en ensaios colaborativos organizados ou coordinados polo Laboratorio Nacional de Referencia.

3. A análise das mostras para detectar a presenza de *Salmonella* spp e a súa tipificación deberase efectuar cos métodos oficiais de rutina e de referencia que se establezan na normativa comunitaria, ou ben con aqueles recoñecidos internacionalmente como métodos de referencia ou, no seu defecto, con métodos validados ou establecidos polo Laboratorio Nacional de Referencia que permitan obter resultados equivalentes ao método ou métodos oficiais de referencia.

Artigo 15. *Laboratorio Nacional de Referencia.*

1. O Laboratorio Nacional de Referencia para o Programa nacional de vixilancia e control de salmonelose en aves de posta é o Laboratorio Central de Sanidade Animal do Ministerio de Agricultura, Pesca e Alimentación, sito en Algete (Madrid).

2. As competencias e funcións do Laboratorio Nacional de Referencia serán as seguintes:

a) Facilitar información sobre os métodos de análise e coordinar a súa aplicación cos laboratorios autorizados, en particular mediante a aplicación de ensaios colaborativos.

b) Coordinar a investigación de novos métodos de análise e informar os laboratorios autorizados dos progresos efectuados neste ámbito.

c) Organizar e, de ser o caso, coordinar, cursos ou xornadas de formación e perfeccionamento para o persoal que presta os seus servizos nos laboratorios autorizados.

d) Proporcionarlles asistencia técnica e científica aos laboratorios autorizados, en particular para a tipificación, a confirmación e o apoio diagnóstico das salmonelas.

e) Colaborar e participar nas actividades que se establezan por parte do Laboratorio Comunitario de Referencia, de ser o caso.

Artigo 16. *Avaliación do programa.*

Cada 6 meses, as comunidades autónomas remitiránlle ao Ministerio de Agricultura, Pesca e Alimentación os resultados das enquisas realizadas segundo os datos mínimos que se prevén no anexo II e das análises efectuadas en aplicación do Programa nacional de vixilancia e control de salmonelose, co fin de realizar unha análise da situación para a súa avaliación e, de ser o caso, revisión, aos 2 anos da súa implantación efectiva.

Artigo 17. *Réxime sancionador.*

En caso de incumprimento do disposto nesta orde, será de aplicación o réxime de infraccións e sancións establecido na Lei 8/2003, sen prexuízo das posibles responsabilidades civís, penais ou doutra orde que poidan concorrer.

Disposición transitoria única. *Complemento de información das explotacións autorizadas.*

As explotacións autorizadas con anterioridade á entrada en vigor desta orde, que non presentasen ante a autoridade competente a documentación sinalada no artigo 3, deberán complementar a información pertinente no prazo máximo de seis meses.

Disposición derradeira primeira. *Título competencial.*

Esta orde dítase ao abeiro do disposto no artigo 149.1.16.^a da Constitución que lle atribúe ao Estado a competencia exclusiva sobre bases e coordinación xeral da sanidade.

Disposición derradeira segunda. *Entrada en vigor.*

Esta orde entrará en vigor o día seguinte ao da súa publicación no Boletín Oficial del Estado.

Madrid, 16 de maio de 2005

FERNÁNDEZ DE LA VEGA SANZ

Sras. Ministras de Agricultura, Pesca e Alimentación e de Sanidade e Consumo.

ANEXO I Control de salmonelas

Zoonoses/ Axente zoonótico	Mandas de aves produtoras de ovos destinados ao consumo humano	Fases da produción que debe cubrir a toma de mostras
Salmonella spp de importancia para a saúde pública.	1.1 Mandas de cría.	I. Pitos femia dun día. II. Pitos femia, 2 semanas antes do traslado á unidade de posta.
	1.2 Aves produtoras adultas.	III. Cada 15 semanas durante a fase de posta.

ANEXO II

PROTOCOLO DE VERIFICACIÓN DAS MEDIDAS DE BIOSEGURIDADE EN EXPLOTACIÓNS AVÍCOLAS DE POSTA

EXPLOTACIÓN*:

TITULAR:

Código de explotación:

Estado produtivo (recria/produción):

Número de animais:

Centro de clasificación de destino dos ovos:

	Si	Non	Deficiente	Prazo (meses)
1) MEDIDAS XERAIS DE BIOSEGURIDADE (total puntos máx= 30) Puntuación				
a) Valo perimetral e porta de entrada -3-				
b) Vado de desinfección ou equipamento substitutivo -2				
c) Mantemento de instalacións:				
• Ausencia de malas herbas no contorno das naves - 1				
• Perímetro da nave en bo estado de conservación e limpeza -1				
• Limpeza e conservación exterior da propia nave - 1				
d) Auga de bebida				
• Proven da rede municipal, ou sofre cloración ou tratamento con UV-1				
• Existencia de análises de auga periódicas e documentadas. - 1				
e) Funcionan adecuadamente as instalacións de estanquidade:				
• **Ventás e tea paxareira				
• Tea mosquiteira -1				
• Persianas de ventiladores - 1				
• Pasos de cintas de ovos - 2				
• Peche de fosos de meixeira- 2				
• Portas de acceso, pechadas- 2				
• Outros accesos - 1				
f) Sistema de retirada de esterco (opcións excluíntes):				
• Con cinta baixo a batería de baleirado, polo menos, semanal e retirada fóra da explotación- 3				
• Cinta con tratamento adecuado posterior (compostaxe, fermentación...)- 2				
• Cinta con almacenamento en esterqueira- ou foso profundo con ventilación e tratamento adecuado 1				
g) **Hai un sistema adecuado de eliminación de cadáveres				
h) Control de acceso de visitas ás naves de posta:				
• Libro de visitas e acceso con vestimenta e equipamentos adecuados e limpos - 1				
• Roupa de traballo para o persoal, en bo estado de conservación e limpeza e persoal aseado - 1				
• Acceso ás naves mediante pediluvio/bandexas de desinfección á entrada- 1				
i) Os operarios están tecnicamente formados para o seu cometido, ou existe un protocolo de traballo por escrito -2				
2) ABASTECIMENTO DE PITOS FEMIA (total de puntos máximo= 18)				
a) Os lotes que entran na explotación dispoñen de:				
• **Documentos sanitarios de movemento oficial				
• ** Certificado de programa de control sanitario dos reprodutores orixe da manda				
• Análise de <i>S. Enteritidis</i> e <i>typhimurium</i> á chegada dos pitos femia -6				
• Certificado control quincenal para salmonela na sala de incubación ou autocontrol en sala de recria -3				
• **Vacina ás aves (ou pode demostrar que realiza controis que garanten que a explotación está exenta de salmonelose de importancia para a saúde pública)				
b) Sistema de manexo todo dentro-todo fóra (naves unilote) - 6				
c) Fanse controis periódicos de salmonelose durante a posta e consérvanse os resultados das análises - 3				

	Si	Non	Deficiente	Prazo (meses)
3) PROTOCOLO DE CONTROL DE PENSOS (total de puntos = 12) Puntuación				
a) Os silos de penso están pechados - 2				
b) Realízase control da contaminación a través do penso (documentado):				
• Certificados de análises periódicas de proveedor para detectar presenza de salmonelas - 3				
• Empréganse aditivos autorizados (acidificantes) no penso 3				
• Emprégase penso con tratamento térmico adecuado.- 4				
4) PROTOCOLO DE LIMPEZA, DESINFECCIÓN E DESINSECTACIÓN (total de puntos: 20)				
a) Existe e está documentado mediante os rexistros correspondentes un programa de limpeza, desinfección e desinsectación - 4				
b) Realízanse análises de eficacia do sistema de limpeza e desinfección-4				
c) Os operarios coñecen o procedemento (e están formados para aplicalo) - 4				
d) As instalacións e as cintas de transporte de ovos obsérvanse limpas.- 4				
e) Respéctase o período de baleiro sanitario por un tempo mínimo de 15 días - 4				
5) PROTOCOLO DE CONTROL DE ROEDORES E OUTROS ANIMAIS (total de puntos = 16)				
a) Existe un plan de desratización documentado mediante os rexistros correspondentes e os utensilios e produtos para levalo a cabo				
• Por medios propios - 5				
• Mediante empresas autorizadas - 7				
b) Non existen buracos nas instalacións que permitan a entrada de roedores.- 6				
c) Os cans e gatos están controlados (non acceso á nave) - 3				
6) PROTOCOLO DE CONTROL DE USO DE MEDICAMENTOS VETERINARIOS				
a) **Existe e está posto ao día o libro de rexistro de medicamentos da explotación e consérvanse as copias das receitas				
7) SUPERVISIÓN VETERINARIA (puntuación máxima 5)				
a) Existe un veterinario responsable da supervisión da explotación que efectúa visitas e controis periódicos que quedan rexistrados- 5				

Puntuación total máxima= 101 (puntos)

Puntuación total mínima (60%) = 60 (puntos) Puntuación obtida

TOMA DE MOSTRAS:

- Pitos femia dun día
 Feces/estrume e pitos femia de recria
 Feces/estrume e femias adultas en produción 2 semanas antes do sacrificio
 Penso/auga de bebida.

RESULTADOS ANALÍTICOS (para cubrir cando se reciban as análises):

OBSERVACIÓNS:

Data e sinatura do veterinario.

* Cubrir un protocolo por manda

** Requisitos excluíntes